



Aber die Kiste / die ein bodē hat / auß ein gelöchertē blāch / wirt zū oberst auff die rinnen gsetzt / die sehr lang ist / aber nicht sonderlich breit. In disem wāsch trog / wirt die matery des goldts zū wāschen gworffen / vnd viel wassers darein gelassen / die erdschollen auch / wān das ārg gwāschen wirt / mitt der eiserne schauffel von einander gethon / diß das da dün ist / fellet herab auß dē bodē d Kiste in die gerinne / das dick dz in dē bleibet / dasselbig wirt mitt d Trucke garnach auß seim mittlestē teil der anderen seitrē / die offen ist her auß gezogen. Diweil aber viel wassers in die Kiste wirt auß noht gelassen / das es nicht so es herab ist gefallen / ettwān goldtschlich in das gerinne mitt sich nemme / diß wirt mitt zehen / oder so sie das halb teil lenger ist / mitt fünfzehen leisen / welcher erste die vorghet / alweg deren die hernach ghet / höher ist / nach der ordnung in den selbigen glegt / vndercheiden / vnd die Kistlin werden mitt dem das die Kiste durchlesset / zūgefüllt: aber so bald sie gfüllt werden / vnd lauter wasser herab zūfließen anfangen hat / das gerinne / durch welches das wasser in die Kiste fleußt wirt verschlossen / vñ das wasser anderswo hinab gefürt / bald wirt das vnderst brettlin auß dem gerinne gnomē / vnd diß / das sich an boden gsetzt hatt / wirt mitt dem überigen wasser so herab fleußt / im sicher trog auffgefasst: darnach ie ein brettlin nach dē anderen außgezogen / wirt ein jettlichs sonderlich im sicher trog auffgefangen / ein jettlichs auch sonderlich im sicher trog gwāschen / vnd sauber gmachet / dan die goldt stücklin oder grössere schlich in dē oberen Kistlin / die kleineren leigend in dem vnderen. Der sicher trog aber ist niderig vnd glatt / dan er wirt mitt öl oder anderen fätten dingē angossen / das nicht an ihm die kleine goldt schlich hangend / schwarz / nemlich mitt dem rüß geferber / das also das goldt mehr gsāhen wirt / ist vnden in der mitte zū beiden seitten außgehauwen / das es